

QUÆSTIO IV.

DE CAUSA UNIVERSALIS.

ARTICULUS I.

Utrum beneficio intellectus agentis in specie ab ipso producta representetur universale metaphysicum.

Ut intelligatur quid nomine *intellectus agentis* significetur supponendum est, ex lib. iii de Anima, et D. Thoma, i p., q. LXXXIX, art. ii et iii, et pluribus aliis in locis, esse in nobis duplicum intellectum, alterum agentem, alterum possibilem, seu possibilem. Dicitur intellectus agens, non ab agendo et producendo cognitionem, sed ab agendo species, quæ recipiuntur in intellectu possibili, qui ideo nominatur possibilis quia patitur, seu recipit istas species, et illis receptis operatur cognitionem; eo quod omnis cognitio generatur a potentia et objecto, objectum autem non potest per suam entitatem esse in potentia, sed per suam speciem, seu similitudinem, quæ in nostris potentias est accidentis quoddam gerens vires objecti, et illud representans. Et licet ab objectis externis mittantur species istae ad sensus exteriores, quibus sensus informati in cognitionem procedunt, et inde ad interiores sensus alias species transmitunt, quas dari ipsa experientia manifestat, cum cessantibus sensibus externis representationes flant in internis, sicut patet in somniantibus; tamen istae species non sunt proportionatae intellectui, qui, cum spiritualis sit, spiritualium representationem postulat, et objectum intelligibile, non sensibile. Ideo necesse fuit ponere quandam vim, seu potentiam, quæ ex ipsis speciebus sensibilibus spiri-

tualem speciem eliceret, quam intellectui possibili tribueret. Et ista vis, seu potentia non potest intelligere, quia intellectus producitur a potentia et specie, ista autem potentia facit species; quando ergo facit non supponit illas, ut intelligat; unde faciendo illas non intelligit.

Hoc breviter supposito, duo sunt quæ difficultatem in hac parte faciunt. Primum est: An illa species, quam producit intellectus agens, solum representet naturam, et non singularitatem, ita quod non detur in intellectu species directe representans singulare sensibile, ut propria illius. Et de hac questione nihil dicemus in praesenti, quia pertinet ad libros de Anima, et ad initium Physicorum, ubi tractatur an singulare directe cognoscatur a nostro intellectu.

Secundum est: An, supposito quod illa species intelligibilis producta ab intellectu agente representet naturam et non singularitatem, seu conditiones individuas, quod ibi ostendemus et hic supponimus, hoc ipso representet naturam cum universalitate saltem metaphysica; an solum representet naturam secundum se, omni statu remoto, tam universalitatibus, quam singularitatibus? Et loquimur de universalis metaphysico, quia ad hoc sufficit exclusio singularium et abstractione negativa. Ad universale autem logicum requiritur etiam ordo ad inferiora, qui, cum sit relatio rationis, non consequitur ex abstractione quomodocumque, sed ex abstractione, quæ est cognitione. Hic autem non loquimur de universalitate cognita, sed representata antecedenter ad omnem cognitionem: intellectus enim agens omnem cognitionem præcedit.

Negativam partem plures auctores sustinent, vel quia existimant

species productas ab intellectu agente, licet entitative spirituales sint, representative tamen a singularibus non abstrahere, ut indicat P. Mer., disp. ii, de univ., q. i, n. XXIX, et ex Scoto referunt Conimb., q. v, de univer., art. ii. Alii, quia etiam si representent naturam sine singularibus, adhuc tamen negant ibi representari universalitatem, quia haec solum fit per cognitionem, illa autem species est principium cognoscendi naturam, non cognitam supponens, vel constituens; de quo vide P. Suarez, disp. vi Met., sect. vi, num. vii, qui etiam addit non omnem universalitatem fieri per intellectum agentem, verbi gratia proprii, differentiae, vel accidentis, sed solum specificam.

NUHOMINUS SIT UNICA CONCLUSIO: In sententia D. Thome, quod species producta ab intellectu agente representat naturam sine singularitate, dicendum est representari universale fundamentaliter, quod est universale metaphysicum, ita quod illa species non solum respicit naturam secundum se et in statu solitudinis, sed sub unitate præcisionis. — Haec conclusio docetur expresse a Cajetano, in iv cap. De Ente et essentia, post quest. vi, § *Istis prelibatis*. Et sumitur ex D. Thoma, non solum ex locis ubi docet per intellectum agente formari speciem representantem naturam et non conditiones materiales individuantes, ut specialiter videri potest i part., quest. xiv, art. xi, ad 1, et q. LXXIX, art. iii, in fine corporis, et quest. LXXXV, art. i, ad 3 et 4; etn. *Contra Gent.*, cap. LXXVII. Sed etiam in aliis locis, ubi docet naturam sic abstractam per intellectum agentem esse universalem, ut patet in Opusc. LV, ubi dicit: « Quod una et eadem natura, quæ singularis erat, et individuator per materiam in singularibus hominibus, fit postea universalis per ac-

tionem intellectus depurantis ipsam a conditionibus, quæ sunt hic et nunc etc. » Et Opuscul. XLVIII, cap. i, inquit: « Quod in nostra phantasie forma representans tunc hominem agit virtute intellectus agentis in intellectum possibilem, et causatur tunc in intellectu possibili quedam forma, quæ dicitur species intelligibilis, vel secundum alios actus intelligendi, vel verbum, quæ forma representat hominem ut abstractum a conditionibus materialibus, et hoc dicitur esse universale. » Ergo secundum D. Thomam non representat naturam secundum se, quia ista nec est universalis, nec particularis, sed representat universale.

Fundamentum conclusionis est: Quia species illa sic producta per intellectum agentem representat naturam exclusis individuis, ut nunc supponimus, et representat illam tanquam unam; ergo non representat solum naturam secundum se, nec cum unitate singulari, sed cum unitate præcisionis, quam consequitur aptitudo, seu non repugnantia ad respiciendum illa et essendum in illis, quod est universale metaphysicum, et fundamentum logici. Conseq. manifesta est, quia natura secundum se nec est una, nec plures, ut quest. præc. ex D. Thoma satius ostensus est; ergo, si ibi representatur natura ut una, debet representari cum unitate singulari, vel universalis; et non singulari, ut supponimus, ergo universalis. Et hoc vocamus universale metaphysicum, quod in hoc distinguitur a logico quod utrumque respicit singularia, sed metaphysicum respicit illa ut terminum a quo, quia abstrahit ab illis, logicum autem, ut terminum ad quem, quia respicit illa, ut dicatur de illis.

Totus iste discursus legitimus est, et solum restat probare illam mino-

rem, quod in illa specie representatur natura ut una. Et hoc prob. : Quia intellectus informatus illa specie cognoscit naturam ut unam; ergo in ipsa specie representabatur ut una : cognitio enim id attingit cognoscendo, quod species representando. Quod autem intellectus cognoscat naturam ut unam, informatus illa specie, manifeste constat quia, si non cognoscet ut unam, ex vitalis cognitionis natura non redditur una ut cognita; ergo si redditur cognita ut una, cognitio attingit illam ut unam.

Dices : Eliam quando intellectus cognoscit naturam secundum se, cognoscit illam ut unam, quia unico actu illam attingit, actus autem unus respicit objectum unum; et tamen ex hoc illa natura non habet unitatem universalis; ergo neque colligitur sufficienter quod habeat illam quando ex vi speciei ab intellectu agente productae naturam cognoscit. Potest enim illam cognoscere ut unam secundum se.

Resp. : Quod, quando cognoscitur natura secundum se, licet ex ipsa natura que est res cogniti non sit una, nec plures, tamen consequitur unitatem, hoc ipso quod sub modo unitatis cognoscitur, et ex illo consequitur in tali natura aliquando unitas praecisionis; et ideo naturam cognosci secundum se non tollit unitatem consequentem ex modo cognitionis, sed solum designatur quod ex parte rei cognite secundum se, non habet illam unitatem. Naturae ergo secundum se solum significatur ex parte rei cognite; si tamen cognoscitur per modum unius, hoc ipso ex ipso modo cognoscendi habet unitatem praeCISIONIS et universalitatis. Itaque ut cognita est una ex modo cognoscendi, et secundum se non est una ipsa res cognita, scilicet ut ex se consideratur.

Ad fund. opposita sententiae resp. :

In illa specie non dari universalitatem et unitatem praeCISIONIS actu cognitam, sed virtute cognitam et actu representatam, eo modo quo representatio convenit speciei impressae. Sicut enim in memoria manent species representantes universale, non quod actu ibi sit cognitum, sed quia ibi est representatum in actu primo, representatione speciei impressae, sic dicimus de illa specie formata ab intellectu agente. Unde consulto non proposuimus in titulo questionis : An sit ibi universale metaphysicum, sed : An representetur? Agimus enim hic non tam de universalis in essendo, quam in representingando. Quia tamen ibi representatur universale, quod adveniente cognitione redditur actu cognitum et universale in essendo, ideo dicimus illam speciem representare universale metaphysicum, licet ibi nondum existat actu aliquod ens rationis, quod pertinet ad universale logicum.

Instabis : In illa specie non representatur universale formaliter, ut est ens rationis, sed fundamentaliter; ergo vel fundamentaliter proxime, vel remote. Si remote, sunt ipsamet singularia, a quibus sumitur universale; si proxime, hoc ipsum est ens rationis, quod non potest ante cognitionem intellectus possibilis haberi. Et praesertim hoc urgetur de ipsa aptitudine universalis: nam per intellectum agentem non potest haberi actus hujus aptitudinis; ergo neque ipsa aptitudo et potentia. Conseque patet quia, ubi est impossibilis actus, non potest dari potentia, quae possibiliter ponit ad actum. Ante vero constat, quia actus ejus est praedicari de multis; sed non potest praedicari per intellectum agentem, ergo etc. De unitate eliam est difficultas, quia intellectus agens non format unam naturam ex pluribus individuis, quia

non habet actum conferendi et comparandi unum alteri, cum non cognoscat, sed habet solam praeCISIONEM negativam, quatenus sumit unum, scilicet naturam, et relinquit alterum, scilicet singularitatem; ergo solum in uno individuo accipit id quod est naturae, reliquo eo quod est individui; hoc autem est solum accipere naturam secundum se, non vero secundum unitatem indifferentiae et aptitudinis ad plura; ergo non facit unitatem universalium, quod est accipere illam unam unitate praeCISIONIS cum non repugnantia ad plura. Et quando dicitur quod est praeCISIO pure negativa, respond. : In illa specie representari universale fundamentaliter eum fundamento proximo nondum cognito, sed representato. Et ad instantiam respond. : Quod fundimentum proximum universalitatis est quidem ens rationis, quod ante cognitionem intellectus non est in actu et formaliter, potest tamen esse virtuteliter et representative, sicut in imaginativa potest dari ens rationis, ut chimera representata, ut diximus quæst. II. Quare ex vi intellectus agentis non habetur aliqua secunda intentio formaliter, potest tamen haberi fundamentaliter, quia ipsa præCISIO, sub qua representat naturam, realis non est, licet nondum sit actu cognita, sed representata ut cognoscatur, eo modo quo præCISIO illa representari potest, non ut res, sed ut conditio rei representata.

Ad replic. de aptitudine dicitur quod, ubi est impossibilis actus quasi ab intrinseco, deest potentia, si autem solum ab extrinseco, scilicet defectu applicationis, non deest potentia; sicut ignis habet potentiam ad comburendum lignum Romæ, sed non applicationem, sine qua non potest combure, sic natura illa præCISA habet capacitem, seu non repugnantiam ut prædicetur de multis, deest tamen applicatio, quæ est cognitio.

Ad instant. de unitate respond. : Quod intellectus agens non accipit unam naturam collativa, sed præCISIVE ex pluribus, vel ex uno individuo, accipiendo id quod de se non repugnat esse in pluribus. Unde ex hoc non redditur natura solum representata intrinsece, quantum ad predicata essentialia, sed representata tali modo, scilicet per modum unius, quod est accipere illam unam unitate præCISIONIS cum non repugnantia ad plura. Et quando dicitur quod est præCISIO pure negativa, respond. : Quod illa præCISIO respectu inferiorum, qua relinquit, negative, se habet, respectu autem naturae, quam accipit representando positiva, per modum unius illam representat, sicut et postea quando cognoscitur ex informatione talis speciei, et hoc sufficit ad universale metaphysicum representatum, quia dicit naturam cum conditione unitatis præCISIONIS, et cum non repugnantia ad plura.

Argumenta autem, que afferri possent ad probandum quod species abstracta ab intellectu agente non representat directe naturam sine individuatione, ex eo quod non possit intellectus agens illuminare phantasma, quod est corporeum, actione et lumine spirituali, omittimus in presenti, quia pertinent ad libros de anima. Sufficit adverte re quod phantasmatum non illuminatur recipiendo in se aliquam lucem spiritualem, sed ut inquit D. Thomas, i parte, quæst. LXXXV, art. 1, ad 4, « illuminantur phantasmatum, quia ex virtute intellectus agentis redduntur habilia, ut ab eis species intelligibiles abstractantur. » Phantasma ergo, quatenus est capax et habile ut determinet intellectum agentem ad producendum speciem hujus objecti potius quam illius, di-

citur illuminari ab eo quasi intrinsece, quia uitit illo quasi instrumento determinante; ipsa vero species producta ex determinatione phantasmatis est illuminatio spiritualis, sed hec ponitur in intellectu possibili. An vero recipiat aliquem modum, vel impressionem phantasma ab intellectu agente, que non sit illuminatio, sed modus quidam habilitatis, sicut instrumentum ab arte, non abhorreo, sed de hoc in libris de Anima.

ARTICULUS II.

Utrum universale metaphysicum in actu cognitum fiat per actum absolutum intellectus, et universale logicum per comparativum.

Actus comparativus intellectus potest sumi dupliciter: uno modo, ut pertinet ad secundum et tertiam operationem intellectus, qua comparat unum alteri componendo, vel dividendo, vel etiam per illationem discurrendo; alio modo, ut pertinet ad primam operationem, per quam unum non attribuitur alteri, vel deducitur ex alio, sed tamen cognoscitur unum ut ordinatum ad aliud et non in se absolute, sicut relatio ipsa cognoscitur per simplicem operationem, quando apprehenditur, vel definitur. Itaque per cognitionem secundae operationis attributur aliquid subjecto tanquam praedicatum, et sic per talem actum comparativum potest praedicari ipsa natura de inferioribus ad quam habet relationem, et potest etiam universalitas ipsa praedicari de natura, quam denominat tanquam forma, et consequenter praedicatur de illa. At vero per comparisonem primae operationis non attenditur attributio praedicati ad subjectum, sed cognoscitur natura ut respiciens terminum ad quem ordinatur, que

potest cognosci vel in actu signato et reflexo, vel quasi in actu exercito cognoscendo naturam cum ordine ad suum terminum. Et discernere quod actus iste comparativus non dicitur talis, nisi quia respicit terminum ad quem, qui proprio est terminus comparationis, seu relationis, non quia respicit terminum a quo, non enim ad illum comparatur, sed ab illo separatur.

Actus autem absolutus dicitur per oppositum ad comparativum, scilicet ille qui non comparat, neque ordinat unum ad aliud, sed rem ipsam cognoscit secundum se. Potest autem aliquis absolvit ab ordine ad aliud dupliciter: uno modo pure negative, accipiendo unum omni alio suppresso, vel omissio, ad quod poterat ordinari; alio modo privative, seu positive, quia accipit unum separando ab alio cum cognitione utriusque termini. Hinc nascitur duplex abstractio, alia negativa, alia positiva. Negativa concepit unam naturam omissionis conditionibus individuantibus, et circa illas negative se habendo. Abstractio positiva est illa, que separat naturam a conditionibus non pure omittendo et relinquendo individua, seu differentias individuales, sed cognoscendo id quod relinquit et id quod assumit, et consequenter cognoscendo distinctionem inter unum et aliud.

His suppositis, loquendo de universalis cognito per intellectum possibilem, et non representato tantum in specie, de quo praeced. art., duplex est principalior sententia inter graviores auctores. Prima docet absolute fieri universale per actum abstractionis. Secunda fieri per actum comparativum, non distinguendo de universalis metaphysico, vel logico, de comparatione simplicies apprehensionis, vel prædicationis. Primam docuit Durandus in 1, dis-

tinct. III, quæst. XV, num. XXVII, et in II, distinct. III, quæst. VI, num. VII; Toletus, quæst. II de univers.; et alii. Secunda attribuitur Scoto in I, distinct. III, quæst. I, sol. ad 1, Soncinæ, v Met., quæst. XXVI, et x Met., quæst. XV, et alii. Videatur Arauxo, in Met., quæst. III, art. V; Curs. Carm., disputat. III, de univ., quæst. VI.

Inter haec sententias principales, quidam volentes eas concordare, differunt primam sententiam esse veram de universalis metaphysico et absoluto, secundam de logico, quod est relativum. Ita Pater Suarez, disput. VI Met., sect. VI, num. VII. At vero Martinez, disp. I, de univers., quæst. II, distinguunt universalitatem ut sit et universalitatem metaphysicam et logicam. Et universalitatem secundum se dicit fieri per abstractionem, quatenus dat ei unitatem precisam. Universalitatem autem ut metaphysicam fieri per abstractionem negativam, quatenus relinquit, seu omittit inferiora. Universalitatem autem logicam fieri per abstractionem positivam, que explicatur ab ipso sic, quod ista abstractio, cum fiat considerando positivo ipsa in inferiora, et intelligitur natura inclusa in inferioribus ut quid distinctum ratione ab ipsis, omne enim inclusum non in se, sed in alio includitur, et intelligitur a differentiis inferiorum separari, a quibus solis, non autem ab ipsis inferioribus fit separatio universalis. Jam supra retulimus hanc sententiam, quæst. pæc.

Denique aliqui existimarent naturam fieri universalem per actum comparativum non simpliciter relationis, sed prædicationis, quod pertinet ad secundam operationem. Ita attribuit quibusdam Complutensibus Merinero, disp. II, de univ. q. II et III.

Dico PRIMO: Universale metaphysicum fit per actum absolutum abs-

trahentem naturam ab inferioribus, tam abstractione negativa, quam positiva. Itaque utraque abstractio est actus absolutus, et non deservit ad universale logicum formaliter constituendum, quod in relatione constituit. — Haec conclusio prob. quantum ad duo. Primum: quod ille actus praescindens naturam sive positive, sive negative, sit absolutus. Secundum: quod universale metaphysicum, tam ex præsione negativa, quam positiva resultat. Et primum probatur sic: Ille dicitur actus absolutus, qui attingit objectum sine respectu et ordine ad aliquid, ut ad terminum quem respicit; sed actus præcisionis solum habet separare unum ab alio, ut a termino a quo; ergo per talem actum non consideratur aliquid ut ordinatum et ut respiciens terminum ad quem, sed potius ut relinquens; ergo repugnat quod aliquis actus abstractionis, cuius officium sit tollere et separare unum ab alio, non sit actus absolutus, siquidem non comparat, neque ordinat ad aliud a quo separat. In summa, repugnat quod aliquis actus faciat respicere aliquid ut terminum a quo et ut terminum ad quem, cum sit oppositio inter ista duo; sed actus praescindens et abstrahens respicit id a quo abstrahit tanquam terminum a quo, ergo non potest respicere illud tanquam terminum ad quem: sed comparatio et ordo est ad aliquid, et ad terminum ad quem; ergo actus praescindens non est comparativus in eo in quo praescindit, quia id a quo praescindit respicit ut terminum a quo, non ordinat ad illud ut ad terminum ad quem.

Secundum, quod probandum est in hac conculsione, sic ostenditur. Non solum præcisio negativa, sed etiam positiva relinquit inferiora et ab illis separat naturam, una per positivam cognitionem, alia solum

omittendo, seu non attingendo illa; ergo utraque solum pertinet ad universale metaphysicum. Antecep. constat ex dictis, et consequentia probatur: Quia negotiatum circa eundem effectum, scilicet circa separationem nature ab inferioribus, sive a differentiis extra quas concepit; ergo tantum habet respicere ista inferiora ut terminum a quo; ergo nondum ponit in illa respectum, qui requiritur ad universale logicum, quia iste respectus debet esse ordo ad essendum et predicandum de multis, ut dicit ipsa definitio universalis; ergo oportet quod sit ordinatio convertens naturam ad respiciendum ipsum inferiora ut terminum ad quem, quia tendit ad illa, ut in illis sit et de illis predicetur; ergo non sufficit ille respectus, quo solum natura avertitur ab inferioribus, seu ab illis abstrahitur per cognitionem positivam, sed hoc tolum pertinet ad denudationem nature ab inferioribus, sub quo statu attingitur a Metaphysico, sicut a Logico sub statu quo convertitur ad inferiora, ut possit predicari de illis, quia ad Logicum pertinet praedicationis et ordo rationis.

Dices: Abstractione ista positiva solum ponit naturam extra differentias, non vero extra ipsa inferiora: aliud est enim abstrahi a differentiis, quia extra conceptum illarum est, aliud ab inferioribus, extra quorum essentiam non est universale; non enim convenienter dicimus quod animal abstrahitur ab homine et equo, quia in eis semper manet etiam per rationem, sed ab aliquo hominis et equi, nempe a differentiis eorum; illa ergo praecepsio positiva, licet respiciat differentias ut terminum a quo, ipsa tamen inferiora non respicit ut terminum a quo, nec ab illis abstrahit, sed potius in illis includitur, quod sufficit ut dicatur illa respicere.

Sed contra est: Quod, semotis differentiis quibus natura contrahitur et determinatur, nihil manet in inferioribus, in quo maneat inclusa et ad quod comparetur, ut ad terminum. Nam in homine, verbi gratia, tantum sunt duo, ex quibus constituitur, scilicet animal ut genus, rationale ut differentia; abstractio ergo que removet animal a rationali quid relinquunt in inferioribus, in quo animal illud includatur? Solum ergo manet inclusum in ipso animali, nam homo remota differentia destruitur; ergo non stat prescindendi a differentiis, et per eundem actum includi in inferioribus. Ac denique, quia illa actus sic praescindens a differentiis, vel solum praescindit ab illis, vel etiam attingit aliquid aliud ad quod tanquam ad terminum referat naturam. Si primum, non est actus comparans et respicere faciens ut terminum ad quem inferiora, sed solum removens a differentiis. Si secundum, ergo iste actus non habet solum officium abstrahendi et removendi differentias, sed etiam comparandi ad inferiora, et sic quatenus abstractivus est positivus, adhuc non logicum universale, sed metaphysicum constituit, quatenus vero comparativus idem faciet quod in aliorum sententia actus comparativus distinctus a praeciso, et solum differet ista sententia ab aliis, quod ponit fieri unico actu id quod alia ponit fieri duobus, scilicet abstractivo metaphysicum universale, comparativo vero logicum.

DICO SECUNDO: Unitas et aptitudo, que sunt fundamentum proximum universalitatis, ex isto actu praecisionis convenire dicuntur, etiam ante universale logicum. — Haec constat ex dictis, quia unitas illa non est predicatum essentiale naturae, siquidem natura secundum se nec est una, nec plures, sed accidentale

conveniens illi per intellectum, siquidem est unitas rationis; sed hoc ipso quod prescindit natura a differentiis inferioribus sive positive, sive negative, cognoscitur unicco conceptu; ergo accipitur tanquam una, quia unus conceptus ad unum objectum terminatur, et in natura sic accepta ut una non inventitur repugnantia ut reddatur individua, quia non habet oppositionem, sed potius conformitatem cum illis differentiis, a quibus assumpta est per intellectum; ergo habet aptitudinem ad illa, quae est non repugnantia, et unitatem. Quomodo vero ista unitas non constitutus universale, nisi fundamentaliter tantum, quod pertinet ad universale metaphysicum, non ad universale ut abstrahit a logico et metaphysico, dictum est quæst. præc., art. v.

DICO ULTIMO: Universale logicum, seu relatum, et secunda ejus intentio fit per actum comparativum, non per modum compositionis, vel judicii, nec per modum inclusionis in inferioribus, sed per modum simplicis apprehensionis, qua cognoscitur natura cum ordine et respectu ad inferiora. — Haec conclusio docetur a D. Thoma et ab eius discipulis communiter, et in schola Scotti ut communis etiam acceptatur. Videatur D. Thomas, i part., q. xxviii, art. 1, ubi inquit: « Quod aliquando respectus significatus per ea, que dicuntur ad aliud, est tantum in ipsa apprehensione rationis conferentis unum alteri. » Et q. vii de Potentia, art. xi, inquit: « Quod respectus rationis advenitur per hoc quod consideratur ordo eius, quod est intellectum, ad res extra, aut quia consideratur ordo intellectuum ad invicem. » Et denique i. Peripher., lect. x, loquens in specie de relatione universalitatis, inquit: « Quod intellectus attribuit has relationes naturæ in tellectæ secundum quod comparat eam ad res extra animam. » Et idem sumitur ex Opuse. xlvi, cap. ii. Et ponderandum est quod actum istum comparativum, quo invenitur relatio universalitatis, non ponit D. Thomas in actu comparativo, quo attribuitur aliiquid alicui ut subiecto, sed quo ordinatur ad aliiquid ut ad terminum, ut constat ex verbis allatis, sed præcipue ex loco citato i p., sol. ad 1, ubi inquit: « Quod propria ratio ejus, quod ad aliiquid dicitur, non accipitur per comparationem ad illud cui inest relatio, sed per respectum ad alterum. »

Et hinc sumitur fundamentum pro conclusione posita. Nam ad inventio[n]em relationem per actum intellectus requiritur comparatio aliqua ad terminum, et non comparatio compositiva, et attribuens predicatum subiecto, vel inclusionem faciens in illo; ergo relatio tantum ordinativa ad terminum. Major manifeste constat: Quia relatio non est aliiquid absolutum, sed cuius totum esse est ad aliud; ergo ut inventatur per intellectum necessario debet apprehendi in eo, in quo differt ab absoluto; differt autem ab absoluto in comparatione ad aliud; ergo requirit actum comparativum, id est comparationem et ordinacionem in natura cognita ad terminum. Min. prob.: Nam comparatio compositionis et attributionis vel attribuit naturam cognitam inferioribus, vel attribuit relationem ipsi naturae cognitæ tanquam denominata per ipsam relationem. Primum non est ad rem: tum quia actus compositionis formaliter solum potest efficiere relationem predicati ad subiectum, que longe diversa est a relatione universalis ad inferiora; tum etiam, quia prædicatio naturæ de suis inferioribus, ut est in propositione facta per actum compositionis, solum facit actu predicatum; ergo

supponit praedicabile, quia prius ali-
quid dicitur praedicabile, quam præ-
dicatum, praedicabilitas autem est
passio universalitatis, vel ad illam
pertinet; ergo relatio illius antece-
dit comparationem compositivam et
formalem compositionem, sicut rela-
tio praedicabilitatis antecedit rela-
tionem predicati, ut potentia actu-

El eodem modo probatur non con-
sistere in actu faciente inclusionem.
Quia vel ista inclusio est actualis
inclusio in inferioribus, vel solum
aptitudinalis. Si primum, est inclusio
per predicationem, vel contractio-
nem in actu, quod necessarii sup-
ponit contrahibile et praedicabile,
atque adeo relationem praedicabili-
tatis et contrahibilitatis. Si vero est
inclusio aptitudinalis, ergo solum
est aptum includi, non vero inclu-
sum actu in inferioribus, et illa ap-
titudine ut includatur est idem quod
aptitude ut contrahatur, et prædi-
cetur, inclusio enim per contractio-
nem fit; ergo ante inclusionem
datur universale logicum, scilicet
respectus aptitudinis ut includatur.

At vero si dicatur secundum, con-
stat quod attribuere relationem ipsi
naturae cognite, ut subjecto deno-
minato per illam, non est formalis
consideratio relationis ad terminum,
sed ad subjectum, et in ratione *in*,
non in ratione *ad*; ergo est consid-
ratio communis omni accidenti,
etiam absoluto, quod habet subjectum,
non vero est proprium relationis,
ut relatio est, et consequenter
non constituit illam formaliter,
sed supponit, quia in subjecto ponit,
non ad terminum ordinat. Unde
non est necesse, non solum in rela-
tione universalitatis, sed etiam in
aliis secundis intentionibus, scilicet
relatione syllogismi et propositionis
etc., in actu signato cognoscere il-
lam relationem et attribuere illam
subjecto denominato, hoc enim jam

supponit relationem formatam; sed
sufficit quod ipsa extrema relationis
comparative cognoscantur unum ad
aliud in ipso exercito, sive quando
formatur propositio, vel judicium,
aut syllogismus, sive ea quæ perti-
nent ad primam apprehensionem;
ipsa enim comparatione cognoscuntur
iste intentiones tanquam ordinatae,
et consequenter ad instar relationis,
etiam si non apprehendantur
tanquam objectum *quod* per actum
reflexum, ut quest. II, diximus, artic.
IV.

Solvuntur argumenta.

Primo arguitur, ad probandum
quod non est necessarius actus compa-
rativus ad universalitatem formalem:
quia posito fundamento proximo
statim resultat relatio; ergo non
indiget alio actu, quam illo, quo po-
nitur fundamento proximum. Hoc
autem ponitur ante actum compa-
rativum, quia est unitas et aptitudo
ad essendum in multis, quæ ex vi
abstractionis habetur; ergo ex hoc
actu resultat universalitas, quæ est
relatio: sicut enim sola contractio
sufficit ut natura fiat singularis, ita
et abstractio, ut actu fiat universali-

Et confirm.: Quia ante actum compa-
rativum natura abstracta actu de-
nominatur universalis; ergo actu
habet formam universalis, que est
relatio. Conseq. patet: Quia denomi-
natio formæ non fit nisi ab ipsa forma,
cum sit effectus ejus formalis;
ergo si denominatur actu universalis,
actu habet formam universalis,
etiam absoluто, quod habet subjectum,
non vero est proprium relationis,
ut relatio est, et consequenter
non constituit illam formaliter,
sed supponit, quia in subjecto ponit,
non ad terminum ordinat. Unde
non est necesse, non solum in rela-
tione universalitatis, sed etiam in
aliis secundis intentionibus, scilicet
relatione syllogismi et propositionis
etc., in actu signato cognoscere il-
lam relationem et attribuere illam
subjecto denominato, hoc enim jam

plures, nec contracta, nec ab-
stracta; ergo dicitur universalis.

Respond.: In relationibus rationis
non resultare relationem posito fun-
damento, quia non habet esse illa
relatio per resultantiam, sed per
cognitionem; non autem cognosci-
tur, nisi in ordine ad suum terminum,
et hoc est comparari. Nec abstrac-
tio dici potest virtualis comparatio,
quia ea, que per cognitionem ha-
bent esse, non sufficit virtualiter co-
gnosci, ut acutus dicantur habere esse,
sed solum habebunt esse virtualiter,
et in potentia. Unde, cum relatio
non cognoscatur actu nisi per actum
comparativum, quia debet cognosci
in ordine ad suum terminum, ad
quem comparari sive ordinatur,
virtualis comparatio solum erit virtualis
cognitionis relationis, quia non
dum cognoscitur ordinari ad suum
terminum, sed abstracti. Contractio
autem efficit singulare metaphysi-
cum, sicut abstractio universale
metaphysicum, non logicum, id est
relatum ad suum superius.

Ad confirm. Respond.: Quod ante
actum comparativum denominatur
natura universalis metaphysice non
logice, seu fundamentaliter proxime
non formaliter. Habere autem fun-
damentum proximum universalita-
tis neque est esse singularem, quia
ab individuis denudatur, nec accipi
naturam solum secundum se, quia
hoc fundamentum non est praedica-
tum essentialiter naturæ, sed est esse
universale metaphysice quod, licet
non sit forma universalitatis que-
rum ad ipsam secundam intentionem,
est ~~tertia~~ forma quantum ad
fundamentum proximum talis relationis,
que fundatur in unitate et
aptitudine ad plura. Hæc autem ali-
quid rationis sunt, et ita hoc nomen
universalis indifferens est ad funda-
mentum universalitatis et ad ipsam
formam relativam, sicut Deus de-
nominatur dominus a potentia, quæ

est fundamentum relationis domi-
nii, et judex, et doctor, et signum ad
placitum ex designatione et imposi-
tione, et non solum a relatione ra-
tionis, quæ in tali impositione et de-
signatione fundatur. Unde si dare-
tur a parte rei universale eo modo
quo posuit Plato, esset universale
metaphysicum, quod in unitate præ-
cisa consistet; fundaret tamen re-
lationem ad ipsa inferiora, prædicamen-
talem quidem si inferiora existen-
terent, vel secundum dici tantum si
non existarent.

Secundo arguitur: Ad probandum
quod requiritur actus comparativus
per modum inclusionis, quod aliqui
vocant abstractionem positivam, vel
per modum predicationis et compo-
sitionis. Etenim universale logicum
debet consistere in respectu naturæ
abstractæ ad sua inferiora; ergo
oportet quod ipsa inferiora cognos-
cantur, respectus enim nequit sine
termino cognosci. Sed inferiora
constituantur per inclusionem sui
superioris; ergo necessario requirit
universale logicum inclusionem in
suis inferioribus, alioquin inferiora
non habebit, neque respiciet, si quidem
per hanc inclusionem constituuntur.

Et confirm.: Quia iste actus compa-
rativus vel intelligit naturam esse
in multis, attribuendo et prædicando
eam de illis actu, vel solum intelli-
git esse aptam ad essendum in
illis. Si primum, est comparatio
predicationis; neque enim actu
intelligitur in multis, nisi prædi-
cando naturam de multis. Si secundum,
sufficit actus abstractionis ad
constitendum istam relationem.
quia ista relatio est relatio aptitudini-
nis ad multa; ergo ille actus, qui
sufficit ad ponendam aptitudinem,
sufficit ad ponendam relationem
aptitudinis. Ponitur autem aptitudo
per actum abstractionis, que virtu-
aliter est comparatio, hoc ipso

quod naturam relinquit aptam ad ipsa inferiora : sicut enim per aptitudinem virtualiter est in illis, ita virtualiter comparatur ad illa; ergo etc. Et in sententia eorum, qui censent judicium solum consistere in respiciendo duorum extremorum, seu conceptuum, manifeste sequitur istam comparisonem fieri per actum judicii, quia ista comparatio sine respiciendo extremorum non est. Sed hoc fundamentum est omnino falsum, quia etiam ante omne judicium potest aliquid relative concepi, sicut per simplicem apprehensionem cognoscimus relations, et definitus illas.

Respondetur ad principale argumentum, quod est totum fundatum Martinii, solutione superius data, quæst. præc. art. v: quod universale respicit sua inferiora non per inclusionem formaliter, sed potius supponendo exclusionem et abstractionem ab illis; unde, licet inferiora in re non constituantur nisi includendo naturam superiorem, formaliter tamen in ratione inferioris non constituantur per inclusionem, sed per subjectionem ad naturam superiorem, supponendo tamen quod in re illam includant. Unde si superius, licet identificetur cum inferiori, cognoscitur in ratione superiores sine illo, ita inferioris, licet includat, et identificetur cum superiori, respicit tamen a superiori non per inclusionem in illo, sed per subjectionem ad illud. Unde in conceptu inferioris, quatenus terminat respectum superioris, non explicatur inclusio inferioris, licet illam habeat in re, sed solum inferioritas et subjectio.

Quod si instes: Ergo non potest dari formaliter intentio generis sine intentione speciei, nec species sine intentione individui, cum hæc sint correlativa, et ita respectus generis stare non potest sine suo termino formali, quod

est species, nec species sine individuo, quod est terminus speciei.

Resp.: Probare argumentum quod non potest dari intentio generis formaliter sine specie cognita ut subiectibili, et similiter species sine individuo ut subiectibili, sic enim induit rationem termini formalis relationum generis et speciei; potest tamen dari intentio generis sine hoc quod cognoscatur intentio speciei ut praedicabilis, et species quin cognoscatur intentio individui ut praedicabilis de uno tantum.

Ad confirm. Resp.: Quod aptitudo dupliceiter potest considerari, vel negative, vel positive. Negative, est sola non repugnantia ad essendum in pluribus; et ista non cognoscitur actu comparativo, sed ipso actu ab soluto abstractione consequitur. Positiva, dicit ordinem ad ea, ad quæ habet aptitudinem; et iste ordo, seu relatio formaliter non inventur, nisi quando ipsa aptitudo concipitur cum aliqua comparatione et ordine ad suum terminum. Quare actu comparativi constituents formaliter universale non est ille, quo actu attribuitur multis, sed quo concipitur aptum ad essendum in multis, non aptitudine sumpta pro sola capacitate, seu non repugnantia, que est aliquid absolutum, sed sumpta pro aptitudine ordinata et respiciente positive ipsa plura. Ad hoc autem non est necesse quod ipsa relatio cognoscatur quasi in actu signato, et tanquam res cognita *ut quod*, sed sufficit quod actu cognoscatur aliquod extrellum ut comparatum ad aliud, et ad instar relativi, sic enim in ipso exercilio comparatio ipsa et ratio cognoscitur.

Ultima potest objici, ad probandum quod abstractio non reddit naturam universalem metaphysice et fundamentaliter: Quia per illam abstractionem solum cognoscitur natura secundum id quod ei convenit

in sua essentia, remotis individuis; ergo non fit natura universalis, sed solum ponitur in statu solitudinis, seu secundum se. Item: Natura ab intellectu non cognoscitur nisi ut abstracta ab individuis, in sententia D. Thomæ; ergo ipsa præcisio non potest dare universalitatem, quia hæc convenient naturæ ut cognitæ, et consequenter ut præcise; ergo prius datur præcisio, seu cognitio nature, quam universalitas. Ac denique: Quia universalitas est relatio secundum esse; ergo solum habetur per actum, quo apprehenditur ipse ordo et relatio, actus auctem abstractionis est actus absolutus, non comparans, neque ordinans unum ad aliud.

Respond.: Hæc omnia probare quod universalitas pro relatione formaliter non habetur nisi per actum comparativum; tamen fundatum ejus, quod est unitas præcisionis et aptitudi, habetur hoc ipso quod natura cognoscitur ut præcisa per modum unius; neque hoc supponit naturam cognitam, sed ipsam præcisio cognitam reddit. Quid si non cognoscatur per modum unius, non loquimur in isto casu, neque in ista præcisione, quia talis cognitio non solum abstractit ab individuis, sed etiam ab omni modo unitatis, et relinquit naturam in statu puræ solitudinis et secundum se; sed abstractio qua cognoscit naturam per modum unius, illa facit universale metaphysicum. Et fortasse non est possibile concipere naturam ita quod ex modo intelligendi nec unitatem habeat, nec pluralitatem, licet secundum se ex parte rei cognita nec una sit, nec plures, quantum est ex vi essentialium prædicatorum. Quidquid tamen sit de hoc, saltem ille actus, qui abstractive concipit naturam per modum unius, unitatem præbet ipsi naturæ ex modo cognoscendi; et

tamen ille actus non est comparativus, sed absolutus, quia nondum respicit inferiora per modum termini ad quem comparetur, sed ut terminum a quo separetur.

QUESTIO V.

DE ACTU UNIVERSALIS, QUID EST
PRÆDICARI DE MULTIS.

ARTICULUS I.

Quid sit in natura universalis esse in multis et prædicari de multis.

Supponit hæc difficultas naturam, dum prædicatur actu de multis, adhuc esse universalem, saltem metaphysicæ; quia, si universalitas per prædicationem amittitur, non habet locum quæstio, qua inquirimus quid in ipso universalis sit prædicari et esse in multis. Et quidem aliqui de hoc dubitaverunt, existimantes hoc ipso quod actu prædicatur universale de multis, extraneari relationem universalis a natura. Quod Scoto, quest. ix, in Porphy., attribuunt Comib., quest. vi Univers., n. iv. Tum quia natura non prædicatur ut indifferens et indeterminata, sed ut applicata isti individuo, de quo prædicatur, et ut unum cum illo, alioquin vere non prædicaretur; ergo non manet universalis, quia remota indifferentia tota universalitas ruit. Tum etiam quia natura non habet universalitatem nisi in suppositione simplici: nam quando dicitur: Homo est species, homo est universalis, ly homo supponit simpliciter, ita quod non descendit ad supposita sub formalitate speciei, et universalis; sed quando actu prædicatur de individuis non habet suppositionem simplicem, sed personalem, verificatur enim de personis et individuis; ergo